

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 44. Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 03/19), na prijedlog Kantonalne uprave civilne zaštite, Vlada Zeničko-dobojskog kantona, na 9. sjednici, održanoj dana 12.06.2019. godine, d o n o s i

ODLUKU

o odobravanju sredstava Medžlisu Islamske zajednice Visoko radi saniranja šteta nastalih prirodnim nepogodama

Član 1.

(Predmet)

Odobravaju se sredstva Medžlisu Islamske zajednice Visoko u iznosu od 30.000,00 KM (slovima: tridesethiljada konvertibilnih maraka), za sanaciju šteta na vjerskim objektima nastalih tokom prirodnih nesreća (poplave) i sanaciju uređenja vodotoka potoka Liješevica na području općine Visoko.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), sa razdjela 14, budžetska organizacija 01, potrošačka jedinica 0001, ekonomski kod 614300 - Tekući transferi neprofitnim organizacijama, funkcionalna klasifikacija 320 (redovna budžetska sredstva).

Član 3.

(Uplata sredstava)

Sredstva iz člana 1. ove odluke uplatit će se na račun Medžlisa Islamske zajednice Visoko, a koristit će se za namjene utvrđene u članu 1. ove odluke.

Član 4.

(Izvjestavanje)

Zadužuju se Medžlis Islamske zajednice Visoko da izvještaj o utrošku odobrenih sredstava iz člana 1. ove odluke dostavi u roku od 120 dana Kantonalnoj upravi civilne zaštite.

Član 5.

(Realizacija odluke)

Za realizaciju ove odluke zadužuju se Kantonalna uprava civilne zaštite i Ministarstvo finansija svako u okviru svoje nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-9827/19

Datum, 12.06.2019. godine

Z e n i c a

PREMIJER

Mirza Ganić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x Medžlis Islamske zajednice Visoko, putem Uprave,

1x „Službene novine Zeničko-dobojskog kantona“,

1x a/a.